

停光輝瑩瑩龍虎平平覺本真真常寂寂永甯甯

贈閻知宮

此箇知宮本是神仙外修持錯了因緣聽予勸化索隱搜玄便
棄繁華離塵境訪林泉 淨意清心耕種丹田更常常鍊息綿
綿命燈燦爛性月團圓行行功成超達去得昇天

寄白水馮公淄陽長老

白水馮公甯海扶風更淄陽長老仙翁三人一意一志三通便
勦妖魔擒猛虎捉蛟龍 俗慮俱忘真氣和沖得自然曉達靈
蹤金丹燦爛玉性玲瓏待行功成超上界住蓬宮

寄柳巨濟學錄

道藏輯要

洞玄金玉集

圭

胃集六

奉勸書生早悟浮生捨榮華物外游行無思無慮無愛無憎便
縱閉心尋霞友訪雲朋 常處常真常淨常清做修持自是靈
明鉛爲汞藥汞乃鉛精鍊大丹成乘鸞去赴蓬瀛

贈三水三老先生

猛悟無常頓絕慳貪脫輪回戀甚妻男出離火院放肆婪耽更
頭如蓬面如垢語如愁 萬事俱忘志鍊行菴滅尸蟲敷布雲
曇幽微窮究道德相參便講玄玄搜六六論三三

贈靈陽子李大乘

悟徹陽元便把陽牽要陽陽徹地通天陽穿八脈陽透三田覺
一陽周一陽就一陽全 水養靈煙火養靈泉更靈靈真秀相

傳靈砂無漏靈物牢堅便結靈光成靈寶做靈仙

贈華亭張大悟

大悟之人能放心閑棄名利愛海恩山食無求飽居無求安更
不狂思不下忽不高攀 恊氣橫橫甘露珊珊用牛羊車載循
還坎離交結龍虎盤桓得至精微水精熱火精寒

華亭縣西菴主王公請住方丈

誓戒肥甘欣乞餘殘以惺惺變作癡憨不居方丈不住華軒把
浴堂來為睡室且彎跽 外樂無心內養真顏嘆塵中獨占清
閒將來功滿離了凡間向大羅天雲霞洞列仙班

悟黃糧本名燕歸梁

道藏輯要

洞玄金玉集

六

胃集六

詞名本是燕歸梁無理趣忒尋常馬風思憶祖純陽故更易悟
黃糧 百年一夢暫時光如省悟棄家鄉常清常淨處真常累
功行赴蓬莊

終南居環堵

董宣強項豈尋常如燕領卽非殃掀髯虛長不名瘡無破處又
何妨 道家貧後計多方無腋袋用皮囊揩頤懸掛度炎涼裏
面有萬般香

贈興平楊先生

密密相傳理最深向水裏自生金箇人無口解哦吟能雲步曳
雲襟 尋思今古修仙道今如古古如今古今難得遇知音知